

Диилвртä кöдлмшин аш

Халымг тангъчин дунд-суугъар, Манцин гол дахдж Приютненск района тег наладж узгднä. Тер ик теегин агъуд 107-ч номертä совхозин торгън нооста 41.400 хöд идшлсн харвгдна. Эн совхозин эрки гол төрнъ—хö öсглгън. Хö öсглгъиг боли ноос гаргългъиг цааранднъ икдүлхин туск КПСС-н Централын Комитетин боли СССР-ин Министрмүдин Советин бичгт боли Н. С. Хрущевин йöрäлд байрта кевär хärү öгч, эн совхозин ах хöбчир ноосан саянär авцхав. Ах хöбч Пельтик Михаил Степанович 1198 бöдүн иргд хärүлджанä.

1957 джилд хөн болгънас 6 килограмм ноос авч, цуг хöдäсн зурагъар болхла 7236 килограмм ноос государствд орулдж öгх баясми, 7882 килограмм цевр ноос орулдж öгв, хөн болгънас—6,6 килограмм ноос авб. 1-ч фермин ах хöбч Сладких Фитис Свиридоновичин отарт 1239 иргс баянä. Тер иргсäсн хөн болгънас 6 килограмм ноос авч, 7434 килограмм ноос киргъдж авх зурата баясми. Эврä кинän кöдлмшин кöрнъгär эн хöбч хөн болгънас 7,2 килограмм ноос авч, 8891 килограмм цевр ноос государствд öгв. Хойрдгч фермин ах хöбч Плескачев Михаил Захарович 7650 килограмм ноос öгхин ормд, 9444 килограмм ноос авб. Зура деерән 1794 килограмм сән цевр ут ноос государствд öгв.

Ах хöбч Ключко Павел Никонорович хөн болгънас 7 килограмм ноос авх даалгъврта баясн болхла, тер даалгъвран давулдж, хөн болгънас 10,8 килограмм сән цевр ноос авб.

Болв эн совхозин газрт хурачкн дала тärәнä баярн бас узгднä. Селәнä эдл-ахун эдлуушин культурн ургъц икдүлх КПСС-н XX-ч хургин шиидврмүд күцäхин тöлä шамддж кöдлäd, июль сарин 12-т 6.000

гектар тärä хурадж, болзгасн öмн тöгсäv. Терүнäсн 3120 гектар газрт намрар тärсн цагъан гуйрин буудä хурав, 1957 джилд зурагъар болхла 8300 центнер цагъан гуйрин буудä государствд орулдж öгх баясми. Совхозин партийн организац тärä хуралгъна öмн сән белдвр боли тärä хадджах заамд бас сән цäялгъврин кöдлмш кесн учрар, 10 хонгин дунд тäräгъән хурадж, зура деерән 4.700 центнер цагъан гуйрин буудä государствд орулдж öгв.

Эн ик диилвртä кöдлмшт чидлән нöл уга, öбрхн болзгин дунд тärсн тäräгъән öбрхн цагин эргцд хурадж авхин төрт совхозин комбайнермүд, трактористнр орлцхав. Негдгч фермин комбайнер үр Вдовенко Иван Егорович „ПСМ-8“ комбайнар öдрä нормнъ 14 гектар баясн болхла, 45—50 гектар öдртән хаддж, 10 хонгин дунд 472 гектар тärä хурадж, 3418 центнер буудä цокв. Үр Богданов Петр Максимович „ПСМ-8“ комбайнар öдртән 40—46 гектар тärä хаддж, 10 хонгин дунд 444 гектар газрас 3806 центнер буудä цокв.

Комбайнер Кравченко Сергей Леонтьевич 9 хонгин дунд 432 гектар газрт тärä хаддж, 3461 центнер буудä цокв.

Äмн болгъна тоод мах, тос боли үс гаргългъар Америкин Соединенн Штатсиг öбрхн цагин эргцд күцдж авх төр күцäхин тöлä 107-ч номертä совхоз гүлждж кöдлджанä. 1957 джилин түрүн öрäлд зурагъар 270 центнер мах государствд орулдж öгхин орчд 523 центнер мах öгв.

Алдр Октябрьск социалистическ революцин 40-ч öбн күртл совхоз зурагъан цугтнъ күцäх социалистическ дöрлдä делгрүлдж, кöдлмшчир, механизатормуд äмән арвлл уга шунджацхана.

ЭЛДÄН ЭРДНЪ.